

ANPAO.

Published by the Niobrara
Convocation.

"Wankantanhan Anpao kin hiyounhipi."

Address, 'Anpao,' Green-
wood, Dakota.

VOL. VIII. NO. 8.

JULY, 1889.

KAŚPAPI ŚAKPĒ (60c).

WOTANIN ENANA.

Aśkatudan, Baltimore, Md., en witawata wan *John Hopkins* eciyapi kin he hūhnaġe.

Mr. Bayard, Democrat Tunkanśidan okihe wan heca qon, aśkatudan tawicu ton kta keyapi.

Minneapolis, Minn., en wokpan tipi ota qa tanka yuke qa aśkatudan Sagadaśa wicaśta hena opetonpi kta cinpi keyapi.

Nakaha John H. Oberly, Ikcewicaśta Awanyake Itancan he wicohān tawa enakiye, July tokaheya kinhan ayuśtan kta.

Inyan bosdata en Tatankaiyotanke wayazanke lica qa okinni Ƨe kte cin iyukcanpi qon tuka ehake otanin unkan wanna akisni aya keyapi.

Wyoming Territory kin wanna State heca kta nina śkan. Tokeśta Congress mniciyapi eca State opapi kta e wicakiyuśtanpi kta dapi kta.

Wisconsin en wamnaheza ojupi qon qa kitanna icage cin he hēwanke kin owasin ihangya hecen woksapi eca wamnaheza tonana icupi kta keyapi.

Hecehna Tunkanśidan wanna Ikcewicaśta Awanyake Itancan wan tokeca wan kaliniġa. Unkan wicaśta kin he Thomas J. Morgan, Rhode Island obaśpe kin etanhan hi.

Aśkatudan Canada etanhan, *Blood* oyate etanhan kośka wan, Poġelidoka taśunke manon. Kuwa ayapi ecen oyate kici kiczapi qa Poġelidoka etanhan nom wicaktepi.

Aśkatudan Conkicakse, Wicaśta wan Walker eciyapi mazakan ptecedan yuha śkan icunhan bohidoka qa wikośke wan Paska eciyapi iśta en kute. Kte śni qa okinni akisni kta nace.

Oklahoma makoce kin he yuohidokapi qa waśicun woju tipi kta hipi kin, qa makoce kanlinili icupi kte cigon Territory kin oitancanpi kin hena wicaśta-śni ohanyanpi qa nahimana makoce icupi keyapi oya-kapi.

Hececa śta Iowa obaśpe kin en heca ota yuhapi kta kecinpi, Nakaś, Sioux City en tipi wan, "wamnaheza tipi" kaġapi qon, ptanyetu kinhan iyececa wan kaġapi kta he on mazaska 75,000 ehnakapi keyapi.

Isantanka makoce kin en wolitani ocaje owasin on wikicanye yuhapi. Wicaśta nina mdokiƧeye litanipi kte śni e yuhapi. Wikicanye takudan yuke śni unkanś wicaśta dehan litanipi otapi eśta, sanpa 500,000,000 wicacinpi kta tuka.

Hahatonwan makoce ohdaptapi tawapi kiyuśpapi qa wica taniyohi makoce hduhe kta heon Commission wan kaliniġapi. Śinasapa Bishop Marty, qa Psinska he opapi. Oyate kin hena makoce hdaġinili icupi kte cin he wicadapi kte śni keyapi.

May 22 he ehan St. Lawrence wakpa kin en wita wata nom, Cynthia qa Polynesian ekicipapi qa Cynthia kin he mahen iyaye qa wicaśta śahdogan Ƨapi. Nakun iyehan, waśicun lica, ho kuwa wata heca nom tokaġon qa wicaśta 175 minin Ƨapi kecinpi.

Aśkatudan woju wicaśta wan, wiyohiyanpata ti kin, woju śkan icunhan, tinwakiyedān heca opawinġe nom iśyamni ecetu, wojupi su kada kin owasin ohankoya temyapi. Token okihi hamwicaya śkan eśta toka yapi śni. Kitanna hēyam yapi keś akeś su kin ahanpi qaiyulipa temyapi hecen woju kin owasin ituya. Qa heon maga kin he ataya akta ojupi kta iyececa.

May 22, heehan Chicago otonwe kin en waśicun wan ihnuhan tanin śni qon, tancan kin he iyeyapi. Otonwe en wakpana kaġapi kin oiyohidoke wan en iyeyapi. Tancan kin icupi qon, wanna tuwe ktepi he tanin lica. Itahedan nina ihniƧi qa okodakiciye wan etanhan ktepi kecinpi. Okodakiciye kin he Cejijate (Irish) oyate ecena opapi, qa nahimana okodakiciye heca. Wicaśta iyeyapi kin he Dr. Cronin eciyapi qa iśeya Irish heca. Wicaśta kin de okodakiciye kin he opa, tuka tohinni, okodakiciye oitancanpi kin owotanna śni ohanyanpi kin abdeza qa yaotanin kta. Yaotanin kinhan wicaśta wanjikji wowiśteca tanka yuhapi kta sdonkiyapi, hecen ohdake kte śni e ktepi. Nahimana ktepi wanna otanin qa tuwewe econpi abdezapi se, nakaś, wanna Chicago otonwe en qa New York otonwe en waśicun kośka wicayuzapi.

May 31, he ehan Pennsylvania obaśpe en woteli tanka akipapi. Heciya otonwe wankapi ota kawan-kapi qa wicaśta ota Ƨapi. Woteli kin he minitan tanka heon hececa. Heciya paha wan akan mde qa wakpana kaġapi qon tuka taku on kaġapi wanna tehan unpi śni. Hecen tuwewe he opetonpi qa mde kin hoġan ohnakapi qa ecen hokuwa oyanke yuhapi. De iyehan maġaju qa ihnuhan mde unaptanye cin najuju qa mini śoġya kadus iyaye. Apamahde, makomdaye, otonwe iyaza iyaye; śbelica nakaś hecen tipi owasin iwankam kaduza. Dus kaduza nakaś oyate waktapi śni. Eya apa najicapi keś wicota okihipi śni ecen tipi onnyanpi kin ecen mini apaśboka. Wicokcota okinni 10,000 minin Ƨapi. Taku kin de Isantanka oyate kin telikedapi, heon owancaya otonwe uma kin token okihipi wamna-yanpi qa mazaska ota on owicakiyapi.

OKODAKICIYE WOTANIN.

Tennessee obašpe kin en Bishop tipi kin Sewanee otonwe en un kin he wohuknaŋe cin on ihangye ce eyapi.

Aškatudan, Bishop Whipple Dr. Edwards, tuwe Methodist Okodakiciye etanhan titokan hdi qon, Deakon kaŋa.

Australia makoce kin en Bishop obašpe akeyamni yukan, qa etanhan Bishop zaptan wayazankapi qa heon iyotan iyekiyapi keyapi.

Presbyterian Okodakiciye nonpakiya wanke cin, wanna ayušanpi qa okowanjidan unpi kta apa kuwapi keš ecen hdušanpi šni.

Wašicun Sapa en litanipi nina mazaska yuhapi kinhan takuku okihipi kta kecinpi, hecen nakaha Bishop Dudley heon mazaka 10,000 wicakidapi.

Rev. C. S. Cook tanyan un šni kin on wiyohiyanpata oziiciya kta iyaye. Tokešta tanyan okihipi ca ecen zani un kinhan, hdi ca toyate kin iyuškinpi kta.

Nakaha omaka kin de, Sagadaša Okodakiciye Yewicaši omniciye yewicaši wicohan kin on mazaska 553,464.00 mnayanpi. Hekta omaka kin on aok pani mnayanpi.

Presbyterian Okodakiciye nonpa kiya un kin, nopin aškatudan General Assembly en mniciyapi. Wowica-da (confession) tawapi kin wicašta apa piyapi cinpi, Yušanpi šni, tuka Wicašta Wakan omniciye sanpa iwi-cawangapi.

California obašpe kin en Bishop un kin wanna wicalica qa heon ookiye wan wicakida. Tuka tobašpe kin he tanka qa nonpakiya kiyušpapi kta, qa ecen Bishop nonpa yuhapi kta wašte. Hecen wowiyukan nonpa yuha škanpi.

Tohan Wakantanka wicanagi wan ijinye kta eca, tokaheya yuwahpanica ece; tohan wicanagi wan yuwankantu kta eca, tokaheya yuhukuntu ece; qa wanji nikiye kta econ tokaheya wicanagi kin he tehiya kakija, taku cin lica, qa iyecinka taku okihi šni kin he sdonyekiya ece.

Vermillion, D. T. Dakota Territory woonspe tipi wan han, qa koška wikoška ko wayawa hipi. Otonwe kin he en Tipi Wakan yuke ešta Wicašta Wakan en ti šni. Wanji wicalica otonwe tokeca wan he kici awanyake. Tuka aškatudan Bishop Wicašta wakan wan en un kta iyeya, qa wanna hen hi qa tanyan ce eyapi.

Rosebud Agency en oyate unpi kin tehan wošna kaŋa yuhapi šni, cinye Wazihanska enakiye cin ehan-tanhan, tuka wanna Bishop Wošna kaŋa wan oki-hiwicakiya. June wi, wiyawapi tokaheya ecentu hehan en wicahi kta keyapi. Wicašta Wakan kin he Rev. Aaron B. Clark ecipyapi qa Belmont, New York etanhan hi kte. Hecen oyate kin he wiyuškinpi kta naceca.

Aškatudan Washington, D. C. St. John's Tipi Wakan ohna wicašta wicayusutapi ecawicakiconpi qa opapi kin Wašicun Sapa qa Wašicun icicahiya opapi. Wašicun etanhan Mr. Wanamaker, wowapi tokšu

awanyaka itancan, hankaku kin, qa Mr. Mathews, wayaco Itancan wan, cunwintku kin, qa James Blaine, Secretary of State, cunwintku kin, qa Justice Gray Woyaco Itancan ope cin, cunwintku kin opapi.

Bishop Bedell, Ohio obašpe en Bishop un qon, tuka wayazanke cin on miniwanca akasam oziiciye omani ya, qa hen sanpa wayazanke cin on Bishop wicohan kin he enakiye cigon, aškatudan New York otonwe en hdi. Eya nina wayazanke qa tohinni akisni kte šni. Sintehdeška ti kin, St. Mary's School kin en ojanjan hdepi wašte yanke cin hena wicaqu kin he iye. Tanyan un šni kin on takodaku owasin icantešicapi

OKODAKICIYE WAKAN ON WIWICAWAN-GAPI WAN.

WOONSPE WIKCEMNA NONPA SANPA ŠAKOWIN.

Cekiyapi ca Token Ihduhapi Kta.

W. Wakantanka ohoundapi kta eca token unki-hduhapi kta iyececa he.

A. Ceunkiyapi eca itokam canpeška makahde unkinajinpi kta qa unyatanpi kta eca bosdan naunjinpi kte wocon kin dena otokahetanhan unyuhapi.

W. David, tadowan 95 en token eya he.

A. "Ohoundapi qa patušunkiciyapi kta, qa Itancan unkaŋapi kin he itokam canpeška makahde najinpi kta" eya.

W. Solomon, Tipi Wakan (Temple) kaŋe cigon yuwakan qehan, token econ he.

A. Solomon Wahna Wošna kin itokam canpeška makahde inajin.

W. Daniel iš token econ he.

A. Anpetu wanji yamnikiya canpeška makahde najin qa cekiya ece.

W. Wicotakuye Teca kin hetanhan tuwe taku hececa econ omakiyaka wo.

A. Jesus "canpeška makahde najin qa cekiya" Luke 22 : 41.

W. Nakun wanjikji oyaka wo. (Ohan 7 : 60 qa Ohan 9 : 40).

A. Stephen, martyr kin he" canpeška makahde najin, qa tona ktepi kte cin wocekiye ewicakiciye; Peter iš eya, canpeška makahde inajin qa cekiya.

W. Woyatan ahiyayapi kta ca on najinhan econpi kte cin on oehde wan oyaka wo. (Neh. 9: 55.)

A. Levites kin "Israel cincapi kin ewicakiyapi" "Najin po, qa Itancan Wakantanka nitawapi kin he yawašte po.

W. Wakantanka towašte kin on owasin woyatan witaya eyapi kte cin on token David eya he.

A. "Oyate iyuha Niyatanpi nunwe." "Wakan-tanka unkitawapi kin, tona taokiyenyanpi kin ya-wašte po.

W. Unkiš eya token econkunpi kta iyececa he.

A. Okodakiciye Wakan woohoda tawa kin en okowanjidan qa cantewašteya ho yuwankan unki-cupi kta iyececa.

HAMPTON, VA.

June 15, 1889.

Hampton ed Dakota unpi kin ake dehan taku wan on nina cante unwaštepi. Dakota hokšina šakpe wowapi ekihunipi, (graduate) qa heon Dakota iyuha nina unkitanpi. Tom tokanpi qa nom is Ihanktonwan tipi etanhan hipi.

Thomas L. Sloan qa Albert L. Fontenelle Omaha tipi etanhan hipi, (Omahapi); Daniel O. Chilson is Shawneetown, Indian Territory, (Pottowatamie); Charles Doxson is Onondaga Reservation, New-York, (Onondaga); Charles H. Kealear qa Henry H. Lyman, denaos is Greenwood, South Dakota, (Sioux).

Ho koška kin dena, tonkin tiyata kipi qa taoyate owicakiyapi nin, unkecinpi. Hampton piundapi iyececa; wana Dakota ota detahan wayawaayustanpi, qa hunli wana taoyata owicakiyapi qa onge is wayawapi toktokeca ekta unpi cinpi qa econpi.

Ho, to dehan ake hokšina qa wicicana ko Massachusetts ekta iyayapi. Bdoketu iyohi heci iyaye wiciyapi qa wowaši econpi onspewicakiyapi.

Icin bdoketu cana wayawapi šni ye dekaš Hampton dena unpi qeyas, takuni econpi kte šni, hece heon Massachusetts ekta yapi qa wowaši onspeiciyapi.

Tinlimuga iyecen Hampton hokšina qa wicincanakin ohinni wowaši econpi qa on ecanawauspepi.

Hokšina kin mağa ekta qa nakun taku wicaša onspepi kta iyececa kin hena onspewicakiyapi.

Wicincana kin is wohanpi qa tipi tanyan kdepikta e onspewicakiyapi.

Hampton ekta unkupi cana wowapi qa wašicun iapi henana onspeunkiciyapi kte šni, tka wowaši econpi qa wašicun taku wicohan wašte yuhapi kin hena unkonspepi kta uncinpi qa heon deci unkupi.

Tonkin koška qa wikoška ko nahanlicin taku kin dena onspepi šni hecinhan Hampton ekta unpi qa onspeiciyanpi qeš unkecinpi.

Wašicun wakan unkitawapi Dakota sdonyayapi naceca, he nina Dakota owicakiya qa kodaunyanpi kin Rev. J. J. Gravatt mniwanca akasam (Europe) iyaya. Maza apapi wan hi unkan wana London ed i, keya.

Tona de dawapi kin Hampton ed Dakota unpi kin taku wašte econpi qa onspeiciyapi kin hena awacannipi qa wocekiye ehapi cana ed unyksuyapi kte, hececa kin sanpa taku wašte unkuwapi kin ed Wakantanka ounkiyapi kta e wocekiye ehapi can unyksuyapi ni unkecinpi.

Tona ANPAO kodayayapi kin owasina napeciyuzapi.

BESSIE SWIFT.

May 16 heehan Mr. Allen Thorndike Rice, tuwe Tunkanšidan Russia ekta kašnihi yeši qon ihnuhana te. Quebec ekta wahulinage wan tanka en wahpaye mazaska 600,000 behanyan ihangye.

Makoce pağanwicakiyapi Commission kin wanna Sintehdeška ekta škanpi qa wicota wowapi yutanpi kte šni tawacinpi seca ešta tokešta wicota yutanpi kta iyukanpi. Sintehdeška ti kin en yustanpi ca hehan Mahpiyaduta ti kin en hipi kte qa škanpi kta.

ROSEBUD AGENCY.

BAPTIZMA.

St. James' Station, Waziwakpala ekta, March 19 he ehan *Grace*, Mahpiyawakuwa qa Unpanhinskewin cincapi.

St. Philip's Station, Owohenonpa wicota ekta, March 20 he ehan, *Cora*, *Nellie*, *Hattie*, qa *Lucy*, hena topa Matoitewanagi qa Sunšunnawaštewin cincapi.

Calvary Chapel, Utuhu wakpala ekta, March 22 he ehan, *George*, he Baptiste qa Louise Clairmont cincapi; *Julia* qa *Hattie*, henaos Oleaupi qa Tašinasapewin cincapi.

St. Mark's Chapel, Onağu wicota ekta, March 23 he ehan, *Julia*, he Aške qa Wicincawin cincapi; *Anna*, he Kangiwanbli qa Hupuwaštewin cincapi.

St. Peter's Station, Wososo wakpala ekta March 27 he ehan, *Charles* he Tabusapa qa Wahuwapa cincapi.

Church of Jesus, Owakpamni ekta, March 31 he ehan, *Cecilia*, he Benjamin qa Emmie Bouvais cincapi; *George*, Sintegleška qa Tašunkeohinapewin cincapi; *Paul*, qa *Alice*, hena nom Heliakaišnana Tačaukulutawin cincapi; *Kate*, Heliakaišnana Sintehlawin cincapi; *Stella*, Sintegleška qa Sinkpehunku cincapi.

Hena REV. JOS. C. TAYLOR, Baptizma wicaqu.

WAKANKICIYUZAPI.

Church of Jesus, Owapamni ekta, March 26 1889 he ehan, Henry Bonsor qa Emily Whitefox, Hena nupin Okodakiciye wope wakan kin en sutaya, qa yuonihanyan opapi kin hecapi. Qa REV. JOS. C. TAYLOR kiciyuzapi kin yuwakan.

PINE RIDGE AGENCY

May 10, 1889.

ANPAO:—Ito koda taku wan daotanin kta iyececa walaka ca ocinciyakin kte. Le anpetu kin en wašicun wan Amos Bettelyonu eciyapi ca ehanna Lakota winyan yuza cin hecaca te. Unkan wicaceya tanka ce eyapi. He wicaša kin Lakota winyan wan yuze na cinca yamni. Ehan tawicu kin te, tka tokiye šni hehantan wana waniyetu wikcemna nonpa icagla Lakota makoce en ounye na ohinni mazopiye en wowaši econ un kin heca. Iho, hecen wicaša kin le Lakota winyan yuze cin awicakehan wowicake ognaya na unma kin owasin kinil mazaska kuwapi, ecinyatan ececa se unpi. Lakaš le oyake qel wašicun cinca lila otapi na atkuku kin tona eepi ka tanin šni na wicohan tawa kin wicaša otaiyohi oyaki lecel cante wicakiye; na wicaša wahwake cin heca; na owewakan šniyan igluha kin heca; na tona onšike cin hena tokel okihi owicakiye; na oanpetu wakan wanji šna wacekiye i. Iho hecel mitakolapi, wicaša kin le wowahokonkiye on ikpazopi iyececa. Ecin wicoun tawa kin ota Wakantanka eciyatanhan kici tanin.

Iho, hecel mitakodapi, lehan wicaša kin le ta unkan wicaša iyohila se okihinyanpi hecel on tokel oigluha kin oblake ca mitakodapi tona le wanlakapi kin wowiyuškin on miyksuyapi ni, ecanmi. Nitakuwepi wanji he miye.

CHAS. TURNING HAWK.

ANPAO.

Entered at Greenwood P. O. as Second Class Matter.

REV. J. W. COOK, }
REV. E. ASHLEY, } IAPI KAHNIGAPI.

JULY.

- 7. Yamni iyohakab Anpetu-wakan iyamni kin.
- 14. Yamni iyohakab Anpetu-wakan itopa kin.
- 21. Yamni iyohakab Anpetu-wakan izaptan kin.
- 25. Saint James Wahošiye taanpetu kin.
- 28. Yamni iyohakab Anpetu-wakan isákpe kin.

YAOTANINPI.

Niobrara Deanery ed owancayatanhan mniciyapi kta e Crow Creek Agency ekta, qa Christ Church okna wicakicopi, Eriday, September 20 qa mazaškanškan napeinwanka ape cin he ehan.

W. H. HARE, Missionary Bishop.

Sioux Falls, S. D., July 19, 1889.

JAPANESE KOŠKA WAKANTANKA
WACINYAN WAN.

Andrew Makuiha he Japanese koška heca, waniyetu akešakowin. Hekta waniyetu nonpa sanpa hanke ecetu heehan toka wanbdaka, tipi wakan wan Holy Comforter eciyapi he okna. He nina waawacin qa wahokonwicakiyapi kin kištanštanyan anağoptan yanka ecee. Wacekiya ayuštampi hehan kdea-wape. Unkdapi kin he icunhan Osaka etanhan makaiyutapi wikcemna yamni hehanhan tipi keya, qa atkuku kin mahiti wicaša qa nakun totonwepi kin ed oitancanyan un keya. Hehan tiwahe kin ataya Budhists hecapi qa tona Christ wacinyanpi kin wahitewicadapi šni keya. Is iye kin Osaka ed wašicun iapi onspeičiciyin kta, qa Christ wacinyanpi towitkotkepi kin iye iyatayena sdodyin kta hececa kinhan wašagya itkowicakipin kta eon hen un keya.

Wacekiye ed i kin qa wowahokonkiye nahon kin hena nina awacin qa on sanpa onspekiyapi qa eced mniakaštampi.

Mr. Makuiha wayawatipi wan ed un qon hed mniakaštampi kin nahonpi hehan owasin ilahapi qa šica-ya kuwapi.

Deon sanpa wacinye qa wašaka aya qa tohan ta-wowicada kin aiapi can ed wašagya najin ecee.

Akenonpapi kin wanji St. Andrew eciyapi qon ee hehan iye sunkaku kin Wanikiya se Wanikiya iye-kiya cehan ed kdohi, koška kin de mniakaštampi he caje qupi, qa St. Andrew iyeced iye sunkaku Wanikiya ed kdohi qa he mniakaštampi han Barnabas eya caje qupi.

Nonpin eyašna tiyata wowapi kağapi qa ohanketa he wakağapi yuhapi qon hena ihpeye wicakiyapi qa tuwa taku owasin kağe cin ee ohodapi.

Ohitayetu kan wan Andrew takodaku wan kici akicita itancan qeya Osaka ed mazawakan tipi wan han unkan ed wicakicopi.

He de ekta ipi ed Andrew toked okdake cin he obda-kin kta.

"Tohan mazawakan tipi kin hen unkipi qonhan itancanpi kin owasin itewokokipepi qa unkiwankam wowašake yuhapi kin he wanbdaka. Wokdakapi keš inina waun qa eyaš taku wanji iyatayena imawangapi can hed eceena waabdupta ecee. Deced wokdaka yukan oknahankahieya wocekiye cajeyatapi, qa wocekiye owasin hena takušni qa wowitkotkoke keyapi qa tona takuna sdodyapi šni qa onspepi šni hena wicakicagapi keyayukan. Christ waayatanin tawa kin hemaca kta kecamni, tka akeš, taku kin heecamon kta iyecece šni tka ecamon keyapi kta iko-wapa.

"Wakantanka omakiye qa taku epin kte cin ed awanmayakin kta icewakiya, qa hehan wahbayena qa yuonihanyan Christ taokodakiciye kin eciyatanhan toked owakihi deced owicawakiyaka. Tehan iwaye cin iyakiyuh waditagamanyan canku wicaša qon owasin kištanyan anağoptan najinpi. Ewahunni hehan owasin wobdake cin on wopida emakiyapi qa tohinna itokab heced Christ wacinyan wanjina Christ taokodakiciye eciyatanhan wowicakiyake šni tka, Okodakiciye kin de wowitkotkoke qa tona taku sdon-yapi šni qa onspepi šni kin hena wicakicagapi keya wowapi ed yawapi ecee keyapi."

Unkitamakocepi kin den hokšina wanjina Andrew waniyetu kici akiyenakeca e deced econ kta eon wowa-cinye yuha šni ikowapa.

Japan etanhan waku kta ikiyena hehan oyanke ecekece ehake iyaza mnikta unkan Andrew yeamape yanka qa tokša oicimani kin iye kdajuju kta keya.

Oyanke wan tokaheya ed unkakpazapi kin hen nina wicota ahi unkan wokdakin kta imawanga heced iyowinkiya unkan nina tanyan ia qa owasin tanyan anağoptanpi, hecen he iyohakab tukten unkipi can wokdawaši ecee.

Tokio University ed tanyan waonspeičiciyin kta cin qa hehan wicohan wakan kin on cajeyatapi kta cin.

Wayawa tipi ed un kin hen Wotaninwašte ayapi wicohan kin tanyan econ. Ohinniyan wacekiye ye čaiš anpetu wakan wayawapi ekta yin kta can eyašna etanhan yeawicape ecee, qa ohanketa Wakantanka toyawašte kin eciyatanhan ota mniawicakaštampi.

WAYLAND'S ELEMENTS OF MORAL
SCIENCE.

WICOWAYAKE 3.

Wicaša wanji taku econ qa onwiyukcan kin he hecetu šni kepekinhan hecetu liča sdodkiya he.

Tokan taku wanjikji econpi can hecetu šni kin sdodkiyapi keš wicaša onge taku heced econpi keš onwiyukcanpi kin iwaktawicaye šin e sdodunyanpi. He onge Takuwakan ituya cajeyatapi keš he toka šni keyapi ecee, qa onge is heyapi can he woalitani heca kin sdodkiyapi ecee. De toketu huwo, qa Wakantanka itokab wahitanipi kin on toketu huwo.

He de itokab taku tona cajeunyatapi qon hena on de iwanyakapi kta. He onwiyukcanpi kin anaungoptanpi šni on unkdušicapi keunkeyapi. He hokšina wanji Takuwakan ituya cajeyata unkan onwiyukcan kin iwaktaya eša anagoptan šni kinhan ake eya eša hehan iwaštena waktayin kta qa heceknana sanpa econ hantanhanš onhanketa he tohinna he iwaktayin kte šni. Tka he de on taku kin owahececa kte šni. Ito wicaša wan wi kin ayuta unkan on išta yazan unkan ake ayuta qa sanpa yazan qa onhanketa he nina yazan qa ece tonwe šni kinhan, he de wi kin iyoyanpa šni yuwicaka okihi šni.

Walitanisa heuncapi kin heon taku ota dececa econqonpi eša hena hecetu šni kin sdodunyanpi kte šni, tka hena Wakantanka ed hecetu šni ecee. Wakanheja šica wanji he takuwicaye cin anawicagoptan šni eša he hecetu šni. kecin šni eša heon de taku kin owahececa kte šni. Wakantanka ohinuiyan anaungoptanpi šni qa towaonšida kin owasin unakakiktonjapi ecee, eša heon woanagoptan šni kin de owahececa kte šni.

Heon wicaša onge onwiyukcanpi kin tohinna takuna iwaktawicayapi šni, eša he iye içicagapi heced on tokaecana hein taku wan econ qa on iwaktayapi eša anagoptan šni qon he taku wan ehake econ qa on iwaktayapi šni qon he kici iyakideced on woahitani kiciyawapi kta.

Qa ded woceewakta on iapi conana eyepica.

Tohan wicaša wanji taku wan econsa kinhan ohanketa he taku šniyan econ ecee kta qa iyukcan šniyan econ kta qa ohanketa iyecinkcinka econ kta. He wicaša wanjikji candowankiyapi qais taku hecenceca ohankoya econpi wandakapi.

Woowotanna wicohian kin he de iyececa. Wicaša wan wicohian wašte econpi kinhan onhanketa ece waktakta, qa on econ kte sa kta. Heban wanji iš wicohian šica econ sa kinhan onhanketa he iyukcanšniyan econ ecee kta.

Woiwange kin dee: Wicohian wan econqupisa qa ecewaunktapi kinhan heon wicohian kin de owahececa kin kta he.

Hececa šni ibdukcan. Ecin Wakantanka iyowinunkiyapi šni kinhan, woceewakta kin he Wakantanka tawoope kin yutokeca kte šni. Wakantanka wamanyanon kte šni eya, qa he tohinna yutokeca kte šni. Wamanunonpi can iyokipi šni kinhan, eca tokehi iyotan tohan woceewakta unyuhapi can iyokipi šni. Ito he wicaša wan anipe cinhan qa onwiyukcan kin waktaye cinhan heon cantešica iyececa kehin kta, qa tohinna ake econ kta iyececa šni. Tohan onwiyukcan kin iwaktaye šni šni hebanyan tohand wanniyaka can anipe cinhan he kicicajujupi iyececa šni kehin kta. He wancana amayape cin he hecetu šni kehe ciqon ecaš iyotan tohan tona wanmayadake cin iyena amayape cinhan he iyotan šica ced.

De hececa hantanhanš, eca iyotan oyate kin taku dececa woceewakta šiksica yuhapi kin hena woahitani ced. Wicohian šiksica ota iyukcanšniyan qa awacinšniyan econpi kin.

June 1, 1889 heehan Pennsylvania makaobašpe kin ed otonwe tona okali iyayapi qa woiyokišice tanka akipapi. *Reservoir* eciyapi kin de Johnstown etanhan

makaiyutapi nonpasam hanke eced wanka. Obosdatu kin makaiyutapi yamni sanpa hanke qa okdakinyan iš wanji sanpn hanke ecetu. Qa mini kin siha iyutapi opawinge ecen šman. De bde kin ed ohokuwayapi qa nakun mni qapi qa okna wata ayapi ecee kin hena on mini kdepki unkan wana tehan qa kušeya natakapi kin wankana. Hecen mağaju qa paha anokatanhan wanke cin eciyatanhan ed hiyahaha qa on wicaša tona he sutaya hin kte šni iwanyakapi qa ihukuya otonwe ed wicaša waktakta šni unpi kin ota iwahowicayapi qeyas nahonpi šni, qa ecen he hitayetu kin ed wihiyayena šakpe hehan bde kušeya natakapi kin kakab hiyu qa mini kin šihaiyutapi wikcemua topa he han wankantuya šungiyangkiyapi se hiyu qa otonwe kin ataya, mazopiye ota qa wokage tipi, šunkakan wicaša, winyan qa wakanheja ko mni tapi. Tipi kin wanjina ecan he šni. Wana wicaša wakanheja koya kektopawinge wanji sanpa opawinge šakdogan mni tapi kin iyewicayapi keyapi, qa nakun nahanli anpetu iyohi bdo qapi se maka akata wankapi kin wicayulidoka yukanpi keyapi. Ataya okina kektopawinge akešakowin ecen mni tapi naceca iyukcanpi. Otonwe kin he Johnstown eciyapi, oqa otonwe cistinna toktokeca ikienya qa wakpa opaya wanke cin koya wicaša 40,000 ed ounyanpi. Tona woihangye tanka kin de etanhan ni hiyupi keš tipi, walipaye, woyute, hayake, taku owasiu hein akitakunipi šni. Tka taku iyotan kin takuwicayapi tehiya tapi kin he wocantešica tanka. Wana mini oyalie wicaša 5,000 anpetu iyohi upšija qa tipi yujujupi kin qapi qa heyab iyeyape qa tapi kin ewicayaku škanpi. Heced anpetu iyohi qa adataya wicahapi yukan.

Dena taku owicakiyakapi kin nahonpi kinhan tohinna decen wotehi akipapi kte šni naceca tka. Noah taanpetu kin wanji de iyececa sceca.

WICOICAGE TOKED KAPI QA ETANHAN. WOWIYUKCAN KIN.

WICOWOYAKE 22: 3-24.

Abraham Wakantanka Wacinye qa Anagoptan
Kin Ikдутanin.—3-9.

3. “Unkan Abraham hanhanna hein kikta qa šonšonna aqin kiton”—bdihedya kinuheiciye cin on toked anagoptan he tanin. Wakantanka taku eciye ca ohinni hinhanna hea kikta sceca (w. 19: 27; 20: 8; 21: 14)—“qa koška nonbiwicakikeu”—hena šonšonna kin kaliahapi kta eqašonšonna iš can kin qin ktae. Ecin makoce kin he ed can wanica se qa tukted ipi kta can yuhe iš yuhe šni sdodyapi šni cankedaka yuha yapi—“Cinhintku Isaac nakun”—tka taku econ kta e nahahecin okiyake šni, he wanji ekta wayulitapi kin econ kta hecena (o. 7)—“can on wošna kte cin he kakse”—Abraham iš iyatayenaš econ naceca—“qa najin qa hena ob, makoce tukted ed Wakantanka cajeyate ciqon heciya iyaya”—ecin Beeršeba itokali makoce ekta yankapi qa hetanhan waziyatakiya Moriya makoce kin ekta iyayapi.

4. “Anpetu iyamni Abraham wankand etonwe qa tukted ke cin he tehantanhan wanyaka”—Beeršeba etanhan iyutapi 60 ecetu, heced anpetu wanji iyutapi 20 ecetu icimanipi.

5. "Qa Abraham koška wicayuhe cin hewicakiya, Ded iyotanka po šonšonna iyakna"—hena šonšonna awanyakapi kta e, qa iyotan, Abraham de taku tanka econ kte cin wicaša tokeca wanyakin kta cin šni, Wakantanka heceena—"qa miš hokšina kici kad unkipi kinhan ohoundapi kta, qa ded dukanpi kin ed unkdipi kta"—Abraham toketu kta sdodkiye šni" qeyaš wacinye cin tanka, "wiconțe ee kaeš etanhan Isaac kicupi kta iyukcan qa on ayata naceca (Heb. 11: 17, 19).

6. "Qa Abraham can on wošna kte cin icu, qa cinhintku Isaac akand eknake"—de iyohakab waniyetu 1800 sanbiyeya qa makoce kin detu lica Jesus Christ, Abraham cinca iyotan kin canicipaweğa akand wahdušna kte cin qin (St. John 19: 17)—"qa peta mina ko nape kin ed icu"—qa dena on cinca kteča wayušna kte cin yuha aye cin toked Abraham nina hein iyokišica naceca he iyukcanpi ca—"qa sakibiyayapi"—inina hein naceca, ecin Abraham nahalicin Isaac okiyake šni.

7. "Unkan Isaac atkuku Abraham kici okiye ça, Ate, eya. Unkan, Micinkši nawalion ce, eya. Unkan, Iho peta can ko yukan, tka woteka kin wošnap i on tukte e he, eya"—de eciyatanhan Moses tonpi šni qa toope kağapi šni itokab wayulitatapi econpi kin he tauin.

8. "Unkan, Micinkši Wakantanka talicašunka wakiyušnap i on okide kta, eya"—nina hein wacinyan un heon heye ça ayata. Okinni Isaac ka naceca; tka Wakantanka Is Isaac eekiya hed tabdoka wan wošnap i on qu kta. Hehand hetu lica Wakantanka wicaša owasin on wošnap i kte cin Iye Cinhintku Tacincana iyeced wicaqu.

9. "Abraham wakna wošnap i wan kage ça. Cinhintku Isaac iyakaške ça wakna wošnap i kin akand ekiknaka, can kin iwankab"—de iyeced Jesus Christ ecakiconpi. He canicipaweğa qin qonhan wana Calvary paha kin ed ipi qa Iye akand wankekiyapi qa okatanpi (St. John 18: 12; 19: 1, 18) Isaac nakun wacinyan qa tawatedya qa waanagoptan un kin he iyeced Christ tawacin ece (St. Matt. 16: 24, 25; 26: 39; St. John 10: 18; Phil. 2: 8; Heb. 5: 8; 10: 9, 10). Isaac he ehan waniyetu wikcemna yamni sanpa yamni keyapi; unkan Jesus waikdušna qonhan is iyenakeca.

10. "Qa cinhintku tekiyin kta e nape kiyuğate ça mina kin ikikeu"—Wakantanka econši iyotan tehika eša Abraham awicakehan eced anagoptan kin de etanhan tanin. Qa Isaac is heyab iyeiciyin kta e takuna econ šni, Wanikiya kin iyeced (Isa. 53: 7).

11. "Hehand malpiya kin eciyatanhan Jehovah oknihdeye cin kipan"—Oehde 12 ed Wakantanka" eya cajeikdata qa "nicinkši *mayagu*" eye cin eciyatanhan "Jehovah Oknihdeye cin" eyapi kin on Tuwe kapi tanin sceca. Wakantanka Cinhintku kin Tuwa Atkuku kin kici owanjina Hee naceca.

12. "Unkan, Hokšina kin ekta nape kin yekiye šni qa takuna ecakicon šni yo"—Abraham awicakehan cinhintku waštekidake cin Wakantanka ekta qu, qa is iyatayena Wakantanka tawacin kin ekta içicu ikdutanin ito hehanyan Wakantanka iyutanyan canke dehand ayušan si qa wocantešica qa woalitani

wan tanka kin etanhan ehdaku. Abraham Isaac kte šni qa wakiyušna šni eša iye tawacin ekta ataya kdušan, unkan onspa iyotan kin hee (1 Sam 15: 22)—"Wana niye Wakantanka ikoyape cin sdonwaya ce"—eya de itokab sdoya, ecin taku owasin sdodya yedakaš, tka iyutanyanpi tanka kin he eciyatanhan Abraham sdodyekiye ça tokanpi kin nakun sdodyewicakiyin kta heon econši. De eciyatanhan Abraham wacinye cin kiciyusutapi qa kiciyušanpi (St. Jakob 2: 22, 23)—Nicinkši heceyena, tka mayaqu kta wicayada he etanhan, eya"—maka akand taku iyotan tehinda kin he kpağan šni, he iyeced Wakantanka Iye Cinhintku kpağan šni qa Cinhintku hee kaeš tawatedya (St. John 15: 13; Gal. 2: 20; Eph. 5: 2; 1 St. John 3: 16; Rom. 8: 32).

13. "Hehand Abraham wankand etonwe ça iyun ilheyata tabdoka wan otehi okna he kin on ikoyag najin"—optaye wanica, tka tabdoka wanji; he iyeced Wakantanka Tacincana Tawa kin "wahtanipi sa wicicunonpa un" (Heb. 7: 26,)—"he wanyake ça Abraham ekta i, qa tabdoka kin icu"—Wakantanka heced ka iyukcan—"qa cinhintku kin heekiya hee detan wošna"—heced Isaac kiyuškapi qa wana wicaše cin opeya yawapi qehan Wakantanka Isaac ehdaku qa atkuku kicu (Heb. 11: 17, 19)—he iyeced Christ anpetu iciyamni (o. 4) wiconțe kin etanhan eyakupi qa Atkuku kicupi.

14. "Qa Abraham makoce kin he, Jehovah wiwankdakin kta, eya cašton"—okini oehde 8 kin ed toked eye ciqon hetanhan cašton naceca. Wakantanka Malpiya he kin ekta Abraham deconši kin on Iye taoyate kin tokata tukted Wakantanka tipi-wakan kicağapi kta wicakipazo; qa tona Iye akitapi qa wiwanhi hipi kinhan ekta taniniçiye ça owicakiyin kta, deced iapi kin de kapi ehantanhan oyakapi (Kdi. 25: 22; Mal. 3: 1; Hag. 2: 9)—"Heon Jehovah he tawa kin akand taniniçiyyin kta ce, nahalicin eyapi."

15. "Unkan malpiya kin eciyatanhan Jehovah oknikdeye cin inonpa akihde Abraham kipan"—tokaheya kipan qon Isaac nikiyin kta e qa Abraham Wakantanka tawacin kin ekta atayena içicu iyokipi he okiyakin kta e hecon; tka de içinonpa kipan kin on piyalicin wahoyin kta e.

16. "Miye kaeš cajemikdata, Jehovah eya"—wanji Iye iwankab qa isanpa wanica canke is Iye cajeikdata (Heb. 6: 13-17)—"Taku ecanon kin de nicinca wanjina tka itonyakipe šni" (o. 12)—oehde 8 kin ed Abraham ayate cin, dehand Wakantanka taninyan eye šni eša Iye Cinhintku, Christ, Abraham etanhan icagin kte cin, He eciyatanhan oyate owasin wicayuwašte kta qu kta qa heon cajeikdata.

17. "Heon wowašte on ciyawašte kta, nicinca iya-kiçuya yuotawakiyin kta, malpiya wicanhipi iyena, qa miniwanca kahda wiyaka sukaza iyeye cin iyena, taku nitawa iyacin kta"—hekta Wakantanka Abraham kici woecakicon kage ciqon makoce wan qu kta e cajeyata (w. 15: 18; 17: 8), tka dehand cajeiyate šni. Dehand Christ eciyatanhan wiconi owihanke šni yuhapi kta qa Canaan makoce malpiyata he wahowicaya (St. Matt. 25: 34; Titus 1: 2; Heb. 11: 8-10, 13-16). "Nicinca iyakiçuya yuotawakiyyin kta" wahoye ciqon akihde yasuta (w. 12: 2, 3; 13: 14-16;

15 : 5; 17: 1-8). Abraham etanhan icagapi kin nina wicota kin on de tokaheya yuecetupi (Woope Ita: 10: 22; Kdi. 1: 7)—hehand icinonpa, Christ Taoko. dakiciye kin ed yuecetupi (Olan. 2: 41; 4: 4; Rom. 4: 11)—hehand iciyamni mahipiya makoce kin ed opapi kte cin (Wayuo. 5: 9; 7: 9, 10)—“Nicinca to-kawicayapi kin otonwe tawapi kin yuhapi kta”—Egypt eciyatanhan Canaan makoce kin ekta kdipi qonhan yuecetupi (Josua tawowapi yawa po)—Okodakiciye wakan ed opapi kin qa Abraham iyeced wacinyanpi kin hena Jesus tole qa tohan kin on ikcewicaša qa wacinyanpi šni kin ohanketa owasin ohicawicayapi kta e on de iyotan yuecetupi kta.

18. “Qa mioie kin anayağoptan kin”—Jesus is eya woanağoptan eciyatanhan tanka kdušan (Heb. 5: 8). Atkuku anağoptan heon ikcewicaša owasin tawawicaya (Ps. 2: 8; Rom. 4: 13; Gal. 3: 8, 9, 14)—qa on Atkuku waštekidaka (St. John 10: 17) qa on yuwankantuyapi (Phil. 2: 8, 9)—qa wayuonihan qa wowitan qupi (Heb. 2: 9)—qa taku owasin tawayin kta (St. Matt. 28: 18; Wayuo. 5: 12)—“heon nicinca kin on maka kin oyate owasin wicayawaštepi kta ce, eya”—wakand oekde 17 oyakapi kin wanyaka po.

19. Owasin itokali iye tipi Beeršeba ekta kihdapi.

Rebekah Hunkakewicaye Cin.—20-24.

20. “Hena owasin iyohakab”—okini tehan šni—“Abraham heced eya okiyakapi”—okini wahošiyewan, is tuwa Mesopotamiya eciyatanhan icimani hi kin naceca—“Milka he nakun nicinye Nahor he cinca kiciton”(w. 11: 29)—Sarah is cinca niciton kin iyeced. Isaac ecana Rebekah yuzin kta canke ded he wicoicage tawa kin ded ptedyena oyakapi. Isaac Rebekah yuzin kta e Wakantanka kałniğa, qa tuwa sanb Wakantanka woiwahoye kin tawayin kte cin he ton kta, Jacob hee.

21. “Uz tokapa kin hee, qa sunkaku Buz”—etanhan Arab oyate ošpaye wan icaga naceca (Jer. 25: 23) qa nakun Elihu tunkansitku naceca, Job 32: 2 ed cajeyatapi kin—“qa Qemuel Aram he atkuku”—Job 32: 2 ed Ram eyapi tka kici owanjina.

22. “Qa Kesed, qa Hezo, qa Pildaš, qa Idlap”—dena on takuna sdodunyanpi šni—“qa Betuel”—wicacaje kin he, Wakantanka tawicaša kin heced kapi; okini wicaša wacinyan on heced eciyapi.

23. “Un Betuel he Rebekah kicitonpi”—Betuel Isaac kici tahašikiciyapi wašicun wowahecun yawapi oknayan, tka Dakota oknayan sunkakiciyapi. Rebekah wicacaje, waicuwašewin he kapi qa Isaac kici waniyetu iyenakeca ecetu naceca. “Hena šahdogan kin Milka he Nahor Abraham cinyeku kin wicakiciton.”

24. “Unkan tawicu tokeca kin, Ruma”—wankantuyapi, he kapi—“eciyapi he. Teba qa Gaham, qa Tahor qa Mahaka hena wicaton”—ehake cajeyatapi kin he etanhan icagapi kin hena wanjikji oyakapi (Woope Ita. 3: 14; Josh. 12: 5)—hed Maakati is Mayakati ewicakiyapi.

Seattle, W. T., June 6 he ehan, otonwe kin de ataya huihnağa; tipi, mazopiye qa tipi wakan ko iyulipa huihnağa ca ihangya keypapi.

STANDING ROCK AGENCY.

BAPTIZMA.

St. Elizabeth's Mission, March 24 *John* Felixon, w. 21; *Jennie* Felixon, w. 24; *Thomas* Hehaka Tašla, w. 35; *Kate* Kankeca-luta, w. 12; *Josephine* Shell, w. 18; *Joseph* Mahipiya-to, 42; *Julia* LongBull, w. 48; *Dora* Tamila-wewe, w. 4; *Emma* Tamila-wewe, w. 6. March 31, *Maud Ellen* Moss, w. 11; April 21, *Eugene* Ptegopecamato, w. 44; *Alice* Ptegopecamato, 39.

Sihasapa wicoti ekta, April, *Joseph* Yellow Wolf, w. 39; *Adam* Mahipiya-cangleska, w. 52; *Annie* Swift Cloud, 10.

WAKANKICIYUZAPI.

St. Elizabeth's, April 21, Benjamin Tipiwakan na Anna Sungitancanwin. Wakankiciyuzapi woecon kin iyohakab wotapi tanka econpi. Wicaša 99 hipi.

WICATE.

St. Elizabeth's, March 5, David, Benjamin na Anna Tipiwakan (Church) cinca, waniyetu 2.

Black Feet Camp, March 8, Carrie Moon, waniyetu 3; March 11, Thomas Hwaleyamani na Catka-win cinca, waniyetu 2.

SISSETON WOTANIN.

BAPTIZMA.

May 30 he ehan St. John Baptist oyanke kin en *Joshua* Huntsman.

June 12 he ehan ake oyanke kin he en *Daniel Webster*, James W. Tahe qa Isabel Tahe cincapi.

June 14 he ehan *David*, S. Renville qa Tunkantimaniwin cincapi. Dena wayazankapi qa tiyata baptizma wicaqupi.

WICATE:

May 29 he ehan, St. Mary's Tipi Wakan, Emily Quinn.

May 30 he ehan St. John Baptist oyanke ekta, Jane Caske qa Joshua Huntsman hnakapi. Nakun iye-han St. James oyanke en Esther Bernard.

June 5 he ehan, Ptansinte ekta Eve Sweetcorn. June 16 he ehan, St. Mary's Tipi Wakan David Renville.

Dena owasin cikcistinpina. Dehan hokšiyopa ota wayazankapi se.

Wašicun wotanin woyakapi qa, aškatudan Inyan-bosdata oyate kin himniciyapi qa makoce paganwicakiyapi kin on wohdakapi. Makoce cinpi kin on mazaska woyawa tanka akewanji(11,000,000)wicaqupi šni ehantanhanš wowapi yutanpi kte šni konzapi. Nakaha wowapi en yušanpi kin on tanyan kte šni kecinpi. Nakun Mahipiyaduta šunkawakan kipi qon kicicajujupi kta qa mazaska 23,000 yuhe kta yušanpi tuka Inyan bosdata oyate kin isanpa ota šunkawakan wicakipi keš taku wicaqupi kte šni kin on nina iyokipipi šni. Taku ecekeen iwohdakapi keypapi.

PINE RIDGE AGENCY.

April 2, 1889 ehan ake O. K. O. O. kin maniciyapi.

Thomas Tyon, Catechist, wacekiya. Wicacaje yawapi. (Roll) 17 hipi.

Wicasa tob (4) wowasukiye iwanyakapi kin (Committee) etan wana wowasukiye akeyamni (13) kin he icupi kta ca Wowapi kage yawa na iyokipi oglaka (motion). Robert A. Horse okiya (seconded the motion). Tunkansila kin wana iwicayunga yunkan Rev. Amos Ross iwoglakina na iyokipi sini keya oglaka. Edgar Fire Thunder iwoglakina, Wowapi kaga iwoglakina, on najinwicakiyapi yunkan icupi kte sini gluştanpi.

Hehan wowasukiye 14 kin he yawapi, iyokipi oglakapi, okiciyapi tka yuştanpi sini.

Hehan wowasukiye 15 kin he yawapi, iyokipi oglakapi, okiciyapi na yuştanpi. Enakiyapi kta gluştanpi. Wamnayanpi. Lowanpi na enakiyapi.

SILAS OPAĞILA, WM. M. ROBERTSON,
Tukanşila. Wowapi kaga

St. Philip's Chapel, March 11, 1889 ehan lena Baptizma wicacupi.

John, Wanblipi na Zintkalamazawin cincapi;

Henry, na Howard, Şunkawakanla na Wakikşyewin cincapi;

Charles Grant, Cetanluta cinca;

Susan: Winyan kin le wana winyan tanka eyaş wana wicohan kin iyokipi na Wakntanka wicala ye laka cinca nomb ob miniakaştanpi, Wakikşyewin eciyapi, hunku kin Wiwazicagmighbela eciyapi;

Rachel: Winyan kin le winolicala lice. Peter Akehiyu he hunku; Rev. C. S. Cook econ.

March 26 ehan Thomas Bear ta, he Robert Mato-wanjila cinca, hoksila kin le, January 2, 1889 ehan, sunkaku yamni ob miniakaştanpi. Waniyetu wanji ecel kujin na ta.

WM. M. ROBERTSON, Catechist.

CROW CREEK AGENCY.

Anpao: Ito taku odaka wacin ye do. Den April 3, hehan nina tate qa otehiika ye do qa şunka wakan tipi akezaptan hulnaga ye do, qa wicasa wan Maniduzahan eciyapi he tipi qa şunkawakan tipi ko iyuhana akitakunişni, qa cinca topa qa hena om tehiakipa ye do. Canpakmiyan oin hecena ikcu we do.

Hehan wicasa Najinyapi eciyapi he nakun tipi qa şunkawakan tipi ko iyuhana akitakunişni ye do; qa peji inakseye qa wikicanye ko ota yuha tka hena iyuhana hulnaga ye do; qa işeya cinca ota ye do. Qa miş peta kin hen mahi tka takuna makigu şni, tka eyaş mnicapi makihulnaga qa he qapi qunhan anpetu iyohina mazaska nonpa on kagapi tka ye do. Qa nakun conkaşke ota gu we do; qa nina wakokipe yedo. Qa waşicun kin nina nihinci-yapi qa icin nina tate heon hececa; qa eya onge tipi kin itehan oşda qeyas şunkawakan cesdi kin ideya peji qa tipi ekta ahin-hipaya hecen on ide ece ye do.

D. P. FIRE CLOUD.

CHEYENNE AGENCY.

BAPTIZMA.

St. John's Chapel okna March 17, 1889 Francis Idlea, William qa Kate Fielder cincapi; Emily, Edward qa Julia Roan Bear cincapi.

Ake March 24, 1889 ed Rosie, Wm. Larrabe qa Nellie Larrabe cincapi. Dena Rev. G. W. Paypay Baptizma wicacu.

WAKANKICIYUZAPI.

St. John's Chapel okna, March 24 he ehan Baptiste J. Gabe qa Esther Takes-the-knife. Dena Rev. G. W. Paypay wicakiciyuştan.

EMMANUEL.

ŞUNG-SKA CAMP, March 3, 1889.

Anpao: ito dehan ake wowapi wanji eicu kta wacin. Ho, eya koda de waniyetu kin hokşiyopa waşteşte unkitapi cankel lile cante unşicape lo. Qeyas ecin hena Wakantanka waşte wicala yelekaas lecel wicakico ye lo.

Heciya iye wowiyuşkin yuhapi kta ca kiklapi ye lo. Hecel unkiş maka akan ni unqonpi kin el tuwa tuktel Wotanin Waşte kin eyanpaha can el unyanpi waşte ye lo.

Hececa kinhan, hokşiyopa unkitawapi kin tuktel wiyuşkinyan unpi kin el unkiş eya ob wiyuşkinyan unqonpi kte lo.

Ho mitakolapi hokşiyopa lena waşte wica unlapi kinhan, canku wan waşte ca okna iyayapi kin he un-kolepi kte lo. Ho nakaha hokşila wan waşte ca ake nankaha te. Ho Hokşilağı eciyapi. Joseph Taşun-kehetonna Clara Cetanwin cincapi. Ho hecetu.

J. S. P.

March 7, 1889.

Akihan iciyapi hanyetu qa anpao hehand, Duwi, cinca wan waniyetu denankeca 5 hehand ta. Akeş ianpetu izaptan kin 12 kin ed, Duwi cinca kin ake wanji ta, qa nina cante şica; wincinyanna wan waşte te. Wana iyaye kta hehand atkuku qa hunku qa tibdoku ko napemayuzapi ewicakiya qa owasin nape yuzapi qa iiputakapi ayaştanpi hehand akeş, Wowapi Wakan, eya tuka ta iyaye. Wincinyanna kin de waniyetu denankeca 7.

Ake wiyawapi 18 kin ed, ake Duwi cinca wan te, Duwi eciyapi. Wicasa kin de owasin sdodunyanpi. Anpetu kin dehana Wakantanka iyopeye ca wincina waşteşte icagapi kte cin Wanikiya wicakico nakaas iyayapi. Wicasa kin de witko sa, koşka wan kici akicipe ca nina şicaya kuwa tuka iyopeiciye şni. Henna epe kte. Anpao dena odake kte.

JOHN KINTO.

Wanihan Congress kin Ikcewicaşa on mazaska wicakicagapi wope yuştanpi qon taku wanji ohna yuştanpi. Okali Maşte makoce kin en, Creek, Seminole qa Cherokee makoce yuhapi kin hetanhan onşpa opetonpi qa heconpi ca Territory wan kagapi kta. Oyate yamni kin makoce onşpa pağanpi kta cinpi keyapi qa hecen yuştanpi keyapi. Eya waşicun hecen cinpi lica unkiş naunhonpi ece. Tohan makoce kin he yuolidoke kte qa waşicun en yapi kte cin wanna Tunkansidan yaotanin.